



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De quodam monacho eiusdem coenobij, qui sanctam Maria[m] ad vigilias circuire, & singulorum monachorum vulius detegere vidit, duobus tantum neglectis, cap. 18.

urn:nbn:de:hbz:466:1-13177

Alius quidam ex monachis eiusdem loci, vir tanta gratia dignus, nocte quadam dominam nostram sanctam Mariam vidit chorum psallentium circuire, & singulorum monachorum vultus detegere, duobus tantum neglectis, ex quibus unus mox incurrit apostasiā; de altero quid adhuc futurum sit ignoratur.

C A P U T X I X.

In eodem cœnobio monachus quidam, nocte quādam putans in oratorio nolam ad matutinas esse pulsatam, cum multa festinatione surgens, oratorium intravit, yeniēnsque ad presbyterium, circulum nimiae claritatis, ad instar iridis formatum, in aëre super altare conspexit. In quo Dei filium Salvatorem nostrum Iesum Christum cum beatissima matre sua Maria contemplatus est, & circa ipsos ex omni parte multitudinem Sanctorum, illorum maximè, quorum in ecclesia reliquie continebantur. Nouerat enim illorum nominā, eo quod quandoque ibidem fuisset sc̄rista. Nec mihi constat, si idem fuerit qui supra. Stat̄ eo in loco prædicto, ait domina nostra duabus angelis: Adducite eum ad me. Quo facto, cū literas in circuitu corona beatae Dei genitricis scriptas legere iuberetur, nec posset; ait illa angelis; Deponite eum ad terram, ibique petens veniani dicat angelicam salutationem, & reducatur. Quod cū factum fuisset, & adhuc easdem literas minimè legeret; tertio eodem modo depositus & reductus, litteras quidem legere & intelligere potuit, sed ne scripturam ylli hominum proderet, interdictum accepit. Quo ad terram ab angelis deposito, disparuit hæc visio. APOLLONIVS: Miror, si sic Domina nostra visitet perfectas feminas, quomodo viros: CAESARIVS: Non est apud ipsam differentia, femina nata est, omnium virorum caput Christum ex se genuit, utrumque sexum consolatur & visitat, utriusque sua secreta reuelat. Hoc esse verum, magis tibi ostendam exemplis, quam verbis.

CA